

22.10.2021

Siaran Media
oleh DATO' IR. JASENI MAIDINSA
CEO, PBA Holdings Bhd dan PBAPP

KERJA-KERJA PENYAMBUNGAN SALURAN PAIP AIR MENTAH: TEKANAN AIR RENDAH DI KAWASAN BALIK PULAU PADA 25.10.2021

- **Kira-kira 5,200 isi rumah di Balik Pulau akan mengalami tekanan air rendah dari pukul 8.00 pagi hingga 6.00 petang pada hari Isnin, 25.10.2021.**
- **PBAPP terpaksa menghenti tugas Loji Rawatan Air Sungai Pinang selama 10 jam untuk menyambungkan saluran paip air mentah 300 mm keluli lembut (MS) baharu di saluran muka sauk air mentah Titi Kerawang, Balik Pulau.**

PULAU PINANG, Jumaat, 22.10.2021: Perbadanan Bekalan Air Pulau Pinang Sdn Bhd (PBAPP) telah memasang saluran paip baru di muka sauk air mentah Titi Kerawang yang membekalkan air mentah ke Loji Rawatan Air (LRA) Sungai Pinang.

Paip 300mm MS baharu ini akan menggantikan dua saluran paip yang rosak di muka sauk air mentah Titi Kerawang.

Pada 20.8.2021, saluran paip 150mm dan 225mm di muka sauk ini telah rosak oleh batu-batu yang jatuh ketika ribut kuat. PBAPP perlu memasang saluran paip kecemasan sementara untuk menyalurkan bekalan air mentah ke LRA Sungai Pinang.

Semua kerja pemasangan dan pembaikan paip air mentah di muka sauk telah selesai. Setelah PBAPP memulakan operasi saluran paip 300mm yang baharu, pengeluaran air terawat akan pulih di LRA Sungai Pinang.

Walau bagaimanapun, LRA perlu dihenti tugas untuk membolehkan kerja penyambungan akhir saluran paip.

Sehubungan itu, PBAPP akan menghenti tugas LRA Sungai Pinang selama 10 jam dari pukul 8 pagi hingga 6 petang pada 25.10.2021. Ketika penutupan itu, PBAPP akan membekalkan air terawat ke Balik Pulau dari dua kemudahan lain:



PBA

Perbadanan Bekalan Air
Pulau Pinang Sdn Bhd
199901001061 (475961-X)

Memenuhi segala keperluan bekalan air anda
Meeting all your water supply needs

- LRA Batu Ferringhi, melalui Rumah Pam Teluk Bahang; dan
- Kolam air Genting melalui Rumah Pam Teluk Kumbar.

PBAPP menjangkakan penutupan LRA Sungai Pinang akan menyebabkan 5,200 isi rumah mengalami tekanan air rendah.

Pengguna air domestik dan perniagaan di kawasan berikut disarankan untuk menyimpan air mencukupi bagi mengelak masalah berkaitan bekalan air dari pukul **8.00 pagi hingga 6.00 petang pada hari Isnin, 25.10.2021:**

1	Jalan Pantai Aceh	6	Jalan Permatang Pasir
2	Jalan Sungai Pinang	7	Jalan Baru/Bharu
3	Jalan Kuala Sungai Pinang	8	Jalan Kuala Jalan Baru
4	Jalan Sungai Rusa	9	Bukit Penara
5	Jalan Sungai Air Putih (Bandar Baru Air Putih)		

Sila rujuk peta pada ‘Appendix A’ yang menunjukkan semua kawasan yang terjejas.

Pengguna air yang memerlukan khidmat nasihat dan/atau bantuan boleh menghubungi **Pusat Panggilan 24 Jam kami (tel. 04 255 8 255).**

PBAPP memohon maaf atas kesulitan yang berlaku. Harap maklum bahawa kami menyambungkan saluran paip air mentah baharu untuk menggantikan dua saluran paip yang mengalami kerosakan ribut. Setelah saluran paip baru ini beroperasi, LRA Sungai Pinang akan memulakan semula pengeluaran air terawat dengan kapasiti optimum untuk memenuhi keperluan bekalan air pengguna di Balik Pulau.

Terima kasih.

Dikeluarkan oleh : Syarifah Nasywa bt Syed Feisal Barakbah
Unit Komunikasi Korporat
Email : syarifah@pba.com.my



FINAL CONNECTION WORKS
AT TITI KERAWANG INTAKE
NEXT TO THE BRIDGE.



APPENDIX A

RAW WATER PIPELINE CONNECTION
WORKS : LOW WATER PRESSURE IN
BALIK PULAU AREAS.

25.10.2021 (MONDAY), 8 AM - 6 PM

Affected Areas